

lius Ihesus Christus unica salus nostra.
Atqui tantum in Ecclesia uera Zion est,
uerbum Dei purum absq; fermento hæ-
rese. Tantum in Ecclesia ut in suo tem-
plo habitat spiritus sanctus, habitat Chri-
stus, habitat pater ipse coelestis, iuxta il-
lud Ioã. 14. Si quis diligit me, sermonem
meum seruabit, & pater meus diliget eū,
& ad eum ueniemus, & mansionem apud
eum faciemus. Et quid nō bonorum est,
ubi bonitatis inexhaustus fons ipse Do-
minus habitat, qua de re audi Prophetas.
Sopho. 3. Rex Israel Dominus in medio
tui, nō timebis malum ultra, Noli timere
Zion, Dominus Deus tuus in medio tui,
ipse saluabit. Et Psal. 45. Sanctificauit ta-
bernaculū suū altissimus, Deus in medio
eius nō commouebitur. Et Psal. 2. Chri-
stus uocatur Rex constitutus super mon-
tem Zion. Isa. 27. Adorabunt Dominum
in monte sancto, in Ierusalem. Isa. 51.
Consolabitur Dominus Zion, redempti
à Domino reuertentur in Zion laudan-
tes, & lætitia sempiterna super capita eo-
rum. Ioel. 2. In monte Zion & Ierusalem
erit saluatio. Ioel. 3. Scietis quia ego Do-
minus Deus uester, habitans in Zion in
monte sancto meo, & erit Ierusalem san-